



REPUBLIKA E KOSOVËS
REPUBLIKA KOSOVA – REPUBLIC OF KOSOVA

GJYKATA THEMELORE NË PRISHTINË
OSNOVNI SUD PRIŠTINA – BASIC COURT OF PRISTINA

GJ.A.nr.329/23

Datë: 05.04.2023

Në bazë të nenit 14 të Ligjit për Gjykata (Ligi nr.06/L-054) dhe Rregullores Nr.02/2020 Për organizmin dhe veprimtarinë e brendshme të Gjykatave të Republikës së Kosovës, e bazuar në vendimin KGJK.nr.288/2021 të datës 18.10.2021, Kryetarja e Gjykatës Themelore në Prishtinë, i propozon Këshillit Gjyqësor të Kosovës, për miratim:

**NDRYSHIMIN E PLANIT TË PUNËS SË GJYQTARËVE DHE ADMINISTRATES SË
GJYKATES THEMELORE NË PRISHTINË PËR VITIN 2023**

PËR:

Transferimin e gjyqtares **Sulltane Hoti** nga Departamenti i Përgjithshëm – Divizioni Penal në Departamentin për Krime të Rënda të Gjykatës Themelore në Prishtinë.

A r s y e t i m

Me datë 04.04.2023 është mbajtur kolegjumi me gjyqtarët e departamentit të krimeve të rënda, ku u diskutua lidhur me nevojën që njëri nga gjyqtaret e Divizionit Penal te kaloj ne Departamentin për Krime të Rënda për plotësim të trupit gjykues, për shkak të pensionimit të gjyqtares Shpresa Hasaj Hyseni.


Kryetarja e gjykatës, pas diskutimit në kolegjum dhe aprovimit njëzëri nga gjyqtarët, marrë parasysh përvojën dhe kualifikimet e gjyqtares, i propozon Këshillit Gjyqësor të Kosovës të miratoj transferimin e gjyqtares Sulltane Hoti nga Departamenti i Përgjithshëm – Divizioni Penal në Departamentin për Krime të Rënda të Gjykatës Themelore në Prishtinë.

Propozimi për ndryshim të planit të punës – transferimin e gjyqtares në fjalë, është i bazuar në kualifikimet dhe përvojën e saj si gjyqtare dhe se se me këtë transferim do të sigurohet gjykim efikas i lëndëve.

Pjesa tjeter e planit të punës, mbetet e pandryshuar.

Kryetarja e Gjykatës Themelore në Prishtinë

Albina Shabani Rama





REPUBLIKA E KOSOVËS/REPUBLIKA KOSOVA

GJYKATA THEMELORE PRISHTINE

PROCESVERBAL

NGA KOLEGJUMI I GJYQTARËVE TË DEPARTAMENTIT TË KRIMEVE TË RËNDA

I mbajtur me datë 04.04.2023

Në mbledhjen e sotme marrin pjesë:

Lista e bashkangjitur


Filloi në ora 08:30

Për pikat e rendit janë diskutuar çështjet si në vijim nga Kryetarja e gjykatës dhe gjyqtarët:








1. Kryetarja e Gjykatës e hapi diskutimin lidhur me Planin Strategjik për Përmirësimin e Qasjes në Drejtësi 2022-2025 si dhe Planin Strategjik për zgjidhjen efikase të lëndëve të korruptionit dhe krimit të organizuar 2022-2024, ku i njoftoi gjyqtarët lidhur me të gjeturat sipas raportit të Komisionit për Monitorimin dhe Vlerësimin e planeve. Sipas këtij plani ka disa lëndë të krimit të organizuar dhe korruptionit që janë afër parashkrimit, mirëpo të njëjtat janë në procedura e disa edhe me vendime të shkallës së parë. I udhëzoi gjyqtarët se ndaj këtyre lëndëve duhet të kushtohet prioritet absolut dhe të njëjtat të janë në punë tek të gjithë gjyqtarët. Po ashtu, i njoftoi gjyqtarët lidhur me rekomandimet e nxjerra për zbatimin sa më të mirë të këtij plani, siç ishte rishpërndarja e këtyre lëndëve tek te gjithë gjyqtarët, e cila edhe është realizuar. Kjo është bërë me qellim që të bëhet balancimi me këto lëndë, ku të mos ketë gjyqtarë me shumë lëndë të kësaj natyre dhe të tjerë me mbi 16 lëndë. Sipas këtij rekomandimi, ka edhe nevojë për zyrtarë dhe bashkëpunëtor, ku jemi në pritje të grupit të fundit të bashkëpunëtoreve dhe do të mundohem maksimalisht që ti vendosi në Departamentin për Krime të Rënda. Ndërsa sa i përket zyrtarëve, për momentin i kemi vetëm këto mundësi pasi që nuk kemi zyrtar të ri dhe astë tjerë në ardhje momentalisht.
2. Po ashtu i njoftoi gjyqtarët se sipas këtij rapporti janë edhe 15 lëndë të kësaj natyre të kthyera në rigjykim, të cilat duhet të caktohen dhe të trajtohen po ashtu me prioritet.
3. Kryetarja kërkoi nga gjyqtarët që për çdo muaj të bëjnë raportimin lidhur me ecurinë e këtyre lëndëve, sipas formularit të dërguar. Po ashtu i njoftoi se për këtë raportim mbahet përgjegjësi edhe nga ju si gjyqtarë edhe nga unë si kryetare e gjykatës.
4. Gjyqtarët shprehen se të gjitha këto lëndë veç se janë në punë, mirëpo janë duke hasur shumë vështirësi me numrin e madh të lëndëve të kthyera në rigjykim me vepra krejtësisht tjera nga ato të natyrës së korruptionit, pastaj janë edhe lëndët me paraburgim, ku është e pamundur një angazhim maksimal në këto lëndë siç po kërkohet. Kryetarja kërkoi nga gjyqtarët që të bëjnë vet prioritizimin e lëndëve, duke u bazuar në ligj dhe planet e aprovuara nga KGJK dhe të veprojnë sipas tyre.

- U diskutua lidhur me mungesën e gjyqtarëve në këtë departament, sidomos pas pensionimit të gjyqtares Shpresa Hasaj Hyseni, e cila nga data 01 Prill 2023 nuk është më pjesë e gjykatës. Si rezultat i kësaj janë dy trupe gjykuese tashmë të pa plotësuara. Lidhur me këtë, kryetarja i njoftoi gjyqtarët se në këtë departament do ta propozoj gjyqtaren Sulltane Hoti, e cila nga data 01 Maj 2023 do të marrë të gjitha lëndët e gjyqtares Shpresa Hasaj Hyseni, duke plotësuar kështu edhe trupin gjykues ku e njëjta ishte. Gjyqtarja do të jetë edhe muajin Prill e angazhuar në Departamentin Penal, mirëpo do të bëjë po ashtu përpjekje që të angazhohet për plotësim të trupeve gjykuese.
- Gjyqtarët nuk paraqiten asnjë ankesë dhe njëzëri aprovuan propozimin e kryetares.
- U diskutua lidhur me shtyrjen e seancave, ku kryetarja kërkoi nga gjyqtarët që të raportojnë tek e njëjta lidhur me arsyet e shterjes së këtyre seancave, kjo pasi që obligohen sipas këtij plani që të raportojnë për dështimin e këtyre seancave.
 - Gjyqtarët shprehen shqetësimet e tyre lidhur me dështimin e seancave për shkak të fletëkthesave të cilat nuk kthehen ose nuk dërgohen ftesat siç duhet tek palët. Kryetarja kërkoi përgjegjësi nga të njëjtit që e rëndësishme është që nga ana juaj dhe e stafit tuaj të zyrës të përfundohen veprimet në mënyrën e duhur, ndërsa nëse seancat dështojnë për fajin e të tjera, obligoheni që të raportoni menjëherë tek unë, në mënyrë që të evitohen problemet. Kërkoi nga të njëjtit që të bëjnë një menaxhim sa më të mirë të zyrës duke përpiluar një plan sa më të mirë për caktimin e seancave.
 - Kryetarja kërkoi nga gjyqtarët që të kenë një sjellje korrekte në raport me prokurorët, duke i njofuar të njëjtit për vonesa eventuale për fillimin e seancës. Po ashtu, lidhur me çfarëdo parregullsie të paraqitur nga të njëjtit ku si rezultat i tyre ka dështim të seancave, të njoftohet menjëherë kryetarja e gjykatës, në mënyrë që të lajmërohet edhe kryeprokurori i shtetit.
 - U diskutua lidhur me publikimin e aktgjykimeve, meqë rast kryetarja i njoftoi se ka rënë dukshëm numri i publikimit të aktgjykimeve në departamentin tuaj. Udhëzoheni që të angazhoni bashkëpunëtoret në publikimin e këtyre aktgjykimeve pasi që janë të trajnuar dhe është puna e tyre. Menjëherë pas përfundimit të vendimit, ti dërgohet bashkëpunëtorit për publikim.

Përfundoi: 09:30


Kryetarja e Gjykatës
Albina Shabani - Rama


PJESËMARRJA NË KOLEGJIUMIN E DT. 04.04.2023

	Departamenti për Krime të Rënda	NËNSHKRIMI
1	Kushtrim Shyti	
2	Avni Syla	
3	Allten Murseli	
4	Alban Ajvazi	
5	Naser Foniqi	
6	Gazmend Bahtiri	
7	Fatime Dermaku	
8	Medie Bytyqi	
9	Agim Kuqi	
10	Ngadhnjim Armi	

11

Rizim Ademi





REPUBLIKA E KOSOVËS
REPUBLIKA KOSOVA – REPUBLIC OF KOSOVA

GJYKATA THEMELORE NË PRISHTINË
OSNOVNI SUD PRIŠTINA – BASIC COURT OF PRISTINA

GJ.A.nr.330/23

KRYETARJA E GJYKATËS THEMELORE NË PRISHTINË Albina Shabani Rama, në bazë të nenit 14 par.1 dhe 2 të Ligjit për Gjykata (Ligji nr.06/L-054) dhe nenit 11 të Rregullores Nr.02/2020, Për Organizmin dhe Veprimtarinë e Brendshme të Gjykatave të Republikës së Kosovës, me datë 05.04.2023, merr ketë:

V E N D I M

- I. Gjyqtarja e Gjykatës Themelore në Prishtinë Sulltane Hoti **CAKTOHET** gjyqtare në Departamentin për Krime të Rënda në Gjykatën Themelore në Prishtinë.
- II. Ky vendim hyn në fuqi dhe do të zbatohet nga data 01.05.2023.
- III. Gjyqtarja Sulltane Hoti do të ngarkohet me lëndët e gjyqtares Shpresa Hasaj Hyseni, të cilat pas verifikimit do të ri-caktohen përmes sistemit SMIL.

A r s y e t i m

Bazuar në riorganizimin dhe ristrukturimin e punës në Gjykatën Themelore në Prishtinë, duke marrë parasysh ardhjen e gjyqtarëve të rinj dhe mundësisë për angazhimin e tyre në Departamentin e Përgjithshëm/Divizioni Penal, si dhe duke marrë për bazë faktin e pensionimit të gjyqtares nga Departamenti për Krime të Rënda Shpresa Hasaj Hyseni, Kryetarja e Gjykatës vlerësoi se Departamenti për Krime të Rënda i Gjykatës Themelore në Prishtinë duhet të plotësohet me një gjyqtar të Departamentit të Përgjithshëm – Divizioni Penal, me qëllim të plotësimit të trupit gjykues dhe ngritjes së efikasitetit në zgjidhjen e lëndëve në kohë në ketë departament.

Përzgjedhja e gjyqtares Sulltane Hoti është bërë në bazë të kualifikimeve dhe përvojës së saj si gjyqtare dhe se me këtë transferim do të sigurohet gjykim efikas i lëndëve.

Vendimi është mbështetur në nenin 14 par. 1 dhe 2 të Ligjit për Gjykata, Nr.06/L-054 dhe nenit 11 të Rregullores, Për Organizmin dhe Veprimtarinë e Brendshme të Gjykatave të Republikës së Kosovës, Nr.01/392.